

Ta'ita'i-Fono: Fa'aeteete Saifoloi FT
Sui Ta'itai-Fono: Dr. Leatulagi Fa'alevao FT
Failautusi Aoao: Nafatali Falealii FS
Teutupe: Poialii Fiasili P. E. Haleck TK



Ekalesia Fa'apopotoga Kerisiano Amerika Samoa
Pusa Meli 1537 – 1 Kanana Fou Street
Pago Pago, Amerika Samoa 96799
Tel. (684) 699-9810 Fax: (684) 699-1898
imeli: cccas@efkasonline.org
upega-tafailagi: <https://efkasonline.org>

Ofisa a le Failautusi Aoao, EFKAS

Iuni 6, 2022

Nofo i Matagaluega EFKAS
Mamalu i Komiti Tumau
Mamalu i Mafutaga Lagolago
Ekalesia Aoao EFKAS

MATAUPU: Faasilasilaga #4 mo le Fono Tele XXXIV – Matagaluega Nite, Fiafia ma le 'Au Penisione, Suiga i le Kalena o le Fono Tele, ma Faamanatu

Susuga e,

E faatalofa ma ofo atu alofaaga o lenei vaitau o le Penetekoso i le mamalu o le Ekalesia Aoao EFKAS; i le paia maualuga i le nofo a Matagaluega, le mamalu o Komiti Tumau, o Mafutaga Lagolago, le nofo i pulega, seia oo lava i falesa ta'itasi o le EFKAS i Amerika ma Hawaii, i Niu Sila ma Ausetalia, ma Tutuila ma Manu'a; talofa, talofa lava.

I le ava tele ma le fa'aaloalo e tuuina atu ai le fa'asilasilaga lona fa lenei mo le Fono Tele XXXIV ia Iulai 2022, e aofia ai le faasilasilaga mo le Matagaluega Nite ma le faamoemoe mo le 'Au Penisione, nisi o suiga i le Kalena o le fonotele, faatasi ai ma nisi o faamanatu taua mo le aga'i atu o le Ekalesia i le fonotele ia Iulai:

A. Matagaluega Nite – o le a le faataunuina le posiva:

1. Ona o aiaiga o le koviti o loo faamalositia pea i Amerika Samoa, o le a lē faataunuina le posiva e masani ai le Matagaluega Nite i lenei fonotele.
2. Ae faamalositia pea i lenei fonotele le faamaopoopoina o saofaga a Matagaluega mo le Matagaluega Nite, e pei ona faia i le va o fonotele.

E. Fiafia mo le 'Au Penisione:

1. O le afiafi o Iulai 21, o le a faia ai le fiafia e faamavae ai ma le 'Au Penisione (*silasila i suiga i le Kalena o le fonotele*).
2. O lenei faamoemoe o le a faataunuina i le Maota o le 'Au Uso i Kanana Fou.
3. Talu ai aiaiga o le koviti, e talosaga atu ai ma le agaga maualalo, ua lava na'o le 'Au Toeaina ma le Laulaufono o le fonotele e fai ma sui o le Ekalesia, e 'auai faatasi ma le 'Au Penisione i lenei faamoemoe.
4. Mo Matagaluega i fafo, taoto atu i Toeaina ma le 'Aufaigaluega o le Matagaluega, e saili se laolao lelei e faataunuu ai lenei faamoemoe mo le 'Au Penisione i totonu o le Matagaluega. Ia vave faailoa mai le aso e faataunuina ai, sei tapena atu ai meaalofa e pei ona masani ai.

I. Suiga i le Kalena o le Fono Tele: (rev1.0)

1. Silasila i suiga ma faaopoopoga fou i le Kalena o le Fono Tele XXXIV i le itulau mulimuli o lenei faasilasilaga.

Ta'ita'i-Fono: Fa'aeteete Saifoloi FT
Sui Ta'itai-Fono: Dr. Leatulagi Fa'alevao FT
Failautusi Aoao: Nafatali Falealii FS
Teutupe: Poialii Fiasili P. E. Haleck TK



Ekalesia Fa'apopotoga Kerisiano Amerika Samoa
Pusa Meli 1537 – 1 Kanana Fou Street
Pago Pago, Amerika Samoa 96799
Tel. (684) 699-9810 Fax: (684) 699-1898
imeli: cccas@efkasonline.org
upega-tafailagi: <https://efkasonline.org>

2. **Suiga:** Ua lē faataunuuina le posiva o le Matagaluega Nite sa fuafua mo le aso 21 o Iulai. Ae faataunuu ai le po fiafia e faamavae ai ma le 'Au Penisione.
3. **Faaopoopoga fou:** Ta'utinoga mo le tofi Faifeau Samoa e faia i le aso 13 o Iulai. O le 'Aufaigaluega uma ua agavaa mo le tofi Faifeau Samoa, faafesootai mai le Ofisa o le Failautusi Aoao mo pepa faatumu ma fesili mo le ta'utinoga tusitusia, e tataua ona faaoo mai i le vaiaso muamua o Iulai e tuuina atu i le Komiti a le 'Au Toeaina.

O. Faamanatu:

1. Mo Usufono i Amerika Samoa:

- a. E faamalosiā le faia o tui puipuia mo le koviti ma le faia o tali fofoga (facemask), e ulufale ai i totonu o le 'Ua Taunuu' mo le fonotele.
- e. E faamalosiā le nonofo valavala i le 6 futu (social distancing), i taimi o le fonotele.

2. Palota mo Ofisa o le Fono Tele:

- a. Mo usufono i fafo, e fautuaina le fesootai faatasi mai faa-Pulega/faa-Matagaluega i luga o le upega tafailagi mo le fonotele, mo le faamoemoe o le palota.
- e. Mo Pulega/Matagaluega i fafo, e taoto atu i sui o le Komiti o Feau Eseese ma Failautusi o Pulega/Matagaluega, le faatinoga o le palota i totonu o Pulega/Matagaluega e fesootai mai i luga o le upega tafailagi mo le fonotele.
- i. Mo usufono i Amerika Samoa, e taoto atu i le Komiti o Feau Eseese ma le Loia Fautua le faatinoga o le palota. O i latou foi ia o le a fai ma Komiti Tutotonu o le Palota, e feagai ma le faafoeina ma le faaopoopoina faatasi o le aofa'i o palota uma mai Pulega/Matagaluega i fafo, ma palota i Amerika Samoa.
- o. O le palota e faatino i ala faalilolilo e pei ona masani ai. O le a tapena e sui o le Komiti o Feau Eseese ma Failautusi o Pulega/Matagaluega mea uma e manaomia e faatino ai le faamoemoe.
- u. E tusa ai ma aiaiga o le FAAVAE, na o usufono ua mae'a ona faamaonia e le Fono Tele e mafai ona palota, ma agavaa mo tofiga o le Ofisa o le Fono Tele, e le gata i usufono i Amerika Samoa, ae faapea usufono mai Pulega/Matagaluega i fafo.

Pau ia o nai faasilasilaga ma faamanatu e fia tuuina atu i leni taimi. Mo isi faasilasilaga sa tuuina atu muamua, silasila i le itulau a le Ekalesia i luga o le upega tafailagi, <https://efkasonline.org>.

Ia manuia tele le EFKAS i leni vaitau o le Penetekoso, e faamanatu mai ai pea le mana o le Agaga Paia o loo galue ma lotolotoi i lana Ekalesia. Ia manuia taulumaga o leni masina fou, aemaise le aga'i atu i le fonotele ia Iulai. Tautai folau le Atua e manuia ai mea uma tatou te faia.

Soifua,

Nafatali Falealii FS
Failautusi Aoao EFKAS
nfalealii@efkasonline.org
+1(684) 699-9810/252-3431

KALENA FONOTELE XXXIV

IULAI 2022 (rev1.0)

ASO SA	ASO GAFUA	ASO LUA	ASO LULU	ASO TOFI	ASO FARAILE	ASO TOONAI
IUNI 26	IUNI 27 Fono Komiti o Feau Eseese 9am	IUNI 28 Fono Komiti Faamisionare 9am	IUNI 29 Fono Komiti o Aoga 9am	IUNI 30 Fono Komiti o Atina'e 9am	1 Fono Komiti o Tupe 9am	2
3	4 <i>Aso Malolo</i> <i>Tuto'atasi o Amerika</i>	5 Fono Komiti Faafoe Seminare 9am	6	7 Tautinoga A'oa'o Ulufale i Kanana Fou Komiti Galue Au Toeaina 9am	8 Prizegiving Seminare Faafaifeau i Kanana Fou 6pm	9 Faauga Seminare Faafaifeau i Kanana Fou 9am
10 Lotu Talosaga 'Au Toeaina Ta'ita'i: Tusi Seanoa FT 2pm	11 F O N O Fono Komiti Faletua o Toeaina 9am	12 K O M I T Lotu Mafutaga Aoa o Tina - 9am Lotu & Fono Mafutaga a Tiakono 4pm	13 I A L E 'A Ta'utinoga Faifeau Samoa - 9am Mafutaga Aoa o Tupulaga Talavou 9am Lotu Tala Lelei Ta'ita'i: Lisi Thompson FS 5pm	14 U T O E A I Fono Mafutaga Aoa o Tina - 9am Fono Mafutaga 'Au Leoleo 1pm	15 N A - 9AM Fono Mafutaga 'Au Taumafai 1pm <i>Aso Malolo</i> <i>Fu'a Manu'atele</i>	16 Lotu Faauga Faifeau Ta'ita'i: Kereti Faiai FT 9am Lotu Tupulaga Talavou Ta'ita'i: Kaimoko Lifuka FS 2pm Se'i Lucky Number Komiti o Atina'e 4pm
17 Lotu Tatala Fono Tele Ta'ita'i: Sekuini Sevaaetasi FT 9am (<i>Faamanatuga</i>) Lotu 'Au Taumafai Ta'ita'i: Johnny Fano FS 2pm	18	19	20 Lotu 'Au Leoleo Ta'ita'i: Tini Filisi FS 5am	21 Lotu Penisione Ta'ita'i: TBA 9am	22 Palota mo Ofisa o le Fonotele	23
<p style="text-align: center;">F O N O T E L E X X X I V E F K A S - 9am <i>Autu: "A o e faatalitali i le ALII, e faafouina lo latou malosii" (Isaia 40:31)</i></p>						
24 31	25	26	27	28 Fiafia 'Au Penisione 6pm	29 Tapuni Fono Tele XXXIV	30

*O taimi ua faatulagaina ai fonotaga ma sauniga lotu, o le taimi i Amerika Samoa; ia fetuunai ma le taimi a outou usufono i fafo

Ta'ita'i-Fono: Fa'aeteete Saifoloi FT
Sui Ta'itai-Fono: Dr. Leatulagi Fa'alevao FT
Failautusi Aoao: Nafatali Falealii FS
Teutupe: Poialii Fiasili P. E. Haleck TK



Ekalesia Fa'apopotoga Kerisiano Amerika Samoa
Pusa Meli 1537 – 1 Kanana Fou Street
Pago Pago, Amerika Samoa 96799
Tel. (684) 699-9810 Fax: (684) 699-1898
imeli: cccas@efkasonline.org
upega-tafailagi: <https://efkasonline.org>

Ofisa a le Failautusi Aoao, EFKAS

Me 19, 2022

Nofo i Matagaluega EFKAS
Mamalu i Komiti Tumau
Mamalu i Mafutaga Lagolago
Ekalesia Aoao EFKAS

MATAUPU: Faasilasilaga #3 mo le Fono Tele XXXIV – Kalena o le Fono Tele

Susuga e,

E maualuga pea le viiga ma le faafetai i le Atua i lona alofa ma lana tausiga i le EFKAS i ona tafa e fia, i 'aulotu ma ekalesia i Amerika ma Hawaii, i Niu Sila ma Ausetalia, faapea Tutuila ma Manu'a; i le paia maualuga i le 'aufaigaluega i Susuga i Toeaina ma faletua, Susuga i Feagaiga ma faletua, o Faifeau ma A'oa'o ma faletua. O Afioga i Tiakono, Tamā ma Tinā matutua, tainane le lavalaoa o le Ekalesia i tagatalotu uma, seia oo i tupulaga talavou ma fanau. Talofa, talofa lava, i le suafa manumalo a lo tatou Alii o Iesu, le Ao o le Ekalesia!

I le ava tele ma le fa'aaloalo e tuuina atu ai le fa'asilasilaga lona tolu lenei mo le Fono Tele XXXIV ia Iulai 2022, e aofia ai le Kalena o le fonotele, faatasi ai ma nisi o faamanatu mo le aga'i atu o le Ekalesia i le fonotele ia Iulai:

A. Kalena o le Fono Tele:

1. Silasila i le Kalena o le Fono Tele XXXIV i le itulau mulimuli o lenei faasilasilaga. O lena e faailoa atu ai aso ma taimi o sauniga lotu, fono a Komiti Tumau ma Mafutaga Lagolago, ma isi fuafuaga e masani ai le Ekalesia i le taimi o le fonotele.
2. Mo Matagaluega/Pulega i fafo, ia manatua, o le taimi mo sauniga lotu ma fonotaga e pei ona avatu i le Kalena, o le taimi i Amerika Samoa. O lona uiga, ia fetuunai ane poo le a tonu le taimi lea i nofoaga o loo outou nonofo ma papa aao ai.

E. Mo Usufono i Amerika Samoa:

1. O loo i lalo pea Amerika Samoa i Poloaiga Faalauaitete mo Faalavelave Faafuasei ona o le koviti-19, ma, e le o mautinoa se taimi e faagafua ai. Ona o lea, e lelei le nofo sauni pea usufono uma i Amerika Samoa e usita'ia aiaiga mo le nofo puipua i le taimi o le fonotele, e pei ona faamalosiā e le Malo o Amerika Samoa.
2. O usufono uma i Amerika Samoa, ua tataua ona mae'a le faia o tui puipua mo le koviti. E le faatagaina se sui usufono e ulufale i le malumalu 'Ua Taunuu' i le taimi o le fonotele, pe afai e le'i faia tui puipua.
3. E faamalosiā le faia o tali fofoga (facemask) i taimi uma e ulufale ai i le 'Ua Taunuu'. E le taliaina se tasi e ulufale i le malumalu i aunoa ma se tali fofoga.

Ta'ita'i-Fono: Fa'aeteete Saifoloi FT
Sui Ta'itai-Fono: Dr. Leatulagi Fa'alevao FT
Failautusi Aoao: Nafatali Falealii FS
Teutupe: Poialii Fiasili P. E. Haleck TK



Ekalesia Fa'apopotoga Kerisiano Amerika Samoa
Pusa Meli 1537 – 1 Kanana Fou Street
Pago Pago, Amerika Samoa 96799
Tel. (684) 699-9810 Fax: (684) 699-1898
imeli: cccas@efkasonline.org
upega-tafailagi: <https://efkasonline.org>

4. E faamalosia le nonofo valavala o sui usufono i le ta'i 6 futu i taimi uma e nofoia ai totonu o le 'Ua Taunuu'.
5. Ua tapena nei le talosaga a le Laulauafono e auina atu i le Komiti Faafoe o le Koviti-19 a le Malo o Amerika Samoa, mo ni tagata faigaluega o le Matagaluega o le Soifua Maloloina e fesoasoani mai i le taimi e faagasolo ai le fonotele, ina ia nofo puipuia usufono mai le faama'i o le koviti.

I. Faamanatu:

1. **Mafutaga Aoao a Tina:** Silasila ane i le itulau a le Ekalesia i luga o le upega tafailagi, o le a avatu ai nisi o faasilasilaga mo le Mafutaga Aoao a Tina e tapena ai mo le aga'i atu i le fonotele ia Iulai – <https://efkasonline.org>
2. **Mafutaga Aoao a Tupulaga:** Mo tupulaga talavou i falesa ta'itasi, e faamanatu atu le lafoga masani o tupulaga, e faaoo mai i le Ofisa Tutotonu. O le a tapena foi le ripoti e faailo uma ai 'Aualavou ua faaoo mai a latou lafoga, mo le silafia a le Mafutaga Aoao o Tupulaga i le taimi o lana fonotaga. 'Aua foi ne'i galo ona faaoo mai suafa o sui usufono mai falesa ta'itasi, o le a 'auai i le fono a le Mafutaga Aoao a Tupulaga.
3. **Pepa Lucky Number:** O loo faamaopoopo pea e le Komiti o Atina'e le Lucky Number a le Ekalesia ua fuafua e se'i ia Iulai 16. Faafetai tele i 'aulotu ma Pulega ua faaoo mai le tau o latou pepa. Mo 'aulotu i fafo, silasila ane i le itulau a le Ekalesia i luga o le upega tafailagi, <https://efkasonline.org>, o loo faailoa atu ai auala e mafai ona faaoo mai ai le tau o a outou pepa. Mo 'aulotu i Amerika Samoa, saili ane le fale 'ie a le Komiti o Atinae o le a faatu i totonu o le 'aai i Kanana Fou, e mafai ona totogi mai ai a outou pepa, ma faatau ai ma nisi pepa faasili pe a manaomia, auā o loo tele pea pepa o totoe. E le iloa poo pepa laki ia o le a nofonofo ma le Komiti i lalo o le fale 'ie.

Pau ia o faasilasilaga e fia tuuina atu mo lenai taimi. Taga'i ile itulau a le Ekalesia i luga o le upega tafailagi, <https://efkasonline.org>, o le a tuuina atu ai isi faasilasilaga i lumana'i. O *link* e fesootea mai ai mo fonotaga ma sauniga lotu, sau se taimi ona faaoo atu lea.

Faafetai Ekalesia le onosa'i. Malo le lava papale. Ia alofa le Atua ma to mai i lagi ana faamanuiaga mo le EFKAS!

Soifua,


Nafatali Falealii FS
Failautusi Aoao EFKAS
nfalealii@efkasonline.org
+1(684) 699-9810/252-3431

Ta'ita'i-Fono: Fa'aeteete Saifoloi FT
Sui Ta'itai-Fono: Dr. Leatulagi Fa'alevao FT
Failautusi Aoao: Nafatali Falealii FS
Teutupe: Poialii Fiasili P. E. Haleck TK



Ekalesia Fa'apopotoga Kerisiano Amerika Samoa
Pusa Meli 1537 – 1 Kanana Fou Street
Pago Pago, Amerika Samoa 96799
Tel. (684) 699-9810 Fax: (684) 699-1898
imeli: cccas@efkasonline.org
upega-tafailagi: <https://efkasonline.org>

Ofisa a le Failautusi Aoao, EFKAS

Me 2, 2022

Nofo i Matagaluega EFKAS
Mamalu i Komiti Tumau
Mamalu i Mafutaga Lagolago
Ekalesia Aoao EFKAS

MATAUPU: Faasilasilaga #2 mo le Fono Tele XXXIV – Iulai 10-22, 2022

Susuga e,

E ofo alofa ma faatalofa atu i le mamalu o le EFKAS i le suafa manumalo o le Alii Toetu! Paia o le 'aufaigaluega i Susuga i Toeaina ma faletua, Susuga i Feagaiga ma faletua, o Faifeau ma A'oa'o ma faletua. O Afioga i Tiakono, o Tamā ma Tinā matutua, tainane le loaloa o le Ekalesia i ona tulaga faalupelupeina. Malo le soifua maua! Malo le lagi mamā i le alofa o le Atua!

I le ava tele ma le fa'aaloalo e tatau ai, e tuuina atu ai le fa'asilasilaga lona lua lenei mo le Fono Tele XXXIV ia Iulai 2022. Ona o suiga i le tulaga ua oo ai nei le pipisi o le faama'i i Amerika Samoa, ua i ai nai suiga fou ma nisi o faamanatu e fia tuuina atu, e tapena aga'i ai le mamalu o le Ekalesia mo le fonotele:

A. Tatala le avanoa mo usufono i fafo e malaga mai mo le fonotele:

1. Talu ai ua faaitiitia le pipisi o le faama'i i Amerika Samoa i lenei vaitau, faatasi ai ma le fautuaga a le Malo e oo atu i le masina o Iulai ua tatala fa'asā o loo puipua ai le atunuu mai le faama'i, ua manatu le Lauaufono, e tatala le avanoa mo usufono mai fafo e fia malaga mai i Amerika Samoa mo le fonotele.
2. Ona o le utiuti o le taimi e tapena mai ai ma saili ai avanoa o vaalele, e fautuaina pea usufono mai fafo e fesootai mai faa-Pulega i luga o le upega tafailagi mo le fonotele. Peita'i, a i ai lava le Pulega poo le usufono e fia malaga mai mo le fonotele, e tatala atu pea le avanoa pe a mafai ona saofia mai.
3. Mo usufono e fia malaga mai i Amerika Samoa mo le fonotele, ia silafia:
 - O le masina o Me e amata ai ona faaopopo vaalele a le Hawaiian Air e malaga mai i Amerika Samoa mai Honolulu. O le va foi o Samoa ma Amerika Samoa, ua faailoa mai e le Malo e toe tatala i le vaiaso lona lua o Me.
 - Mo e malaga mai i Niu Sila ma Ausetalia e ui mai i Apia, e manaomia ona imeli mai se kopi o lou 'roundtrip ticket' e te malaga mai ai i Amerika Samoa faatasi ma lou tusi folau, e tapena ai le 'OK Board' e te tuuvaa mai ai mai Apia.
 - E le o toe nofo'esea tagata malaga mai e pei ona i ai. Peita'i, o loo faamalosia le nofo puipua o le tagata malaga i lona lava aiga pe a taunuu mai i fanua, mo le 7-14 aso. E le o mailoa poo le a le umi e faaauau ai lenei fa'asā. A o le tala mai o le Malo, o loo fuafua ia oo atu ia Iulai ua faagafua. Peita'i, afai o tapena se usufono i fafo e malaga mai, ia faitaulia pea aso e ono nofo puipua ai pe a taunuu mai, a o fuafua ma saili le aso e malaga mai ai.

Ta'ita'i-Fono: Fa'aeteete Saifoloi FT
Sui Ta'itai-Fono: Dr. Leatulagi Fa'alevao FT
Failautusi Aoa: Nafatali Falealii FS
Teutupe: Poialii Fiasili P. E. Haleck TK



Ekalesia Fa'apopotoga Kerisiano Amerika Samoa
Pusa Meli 1537 – 1 Kanana Fou Street
Pago Pago, Amerika Samoa 96799
Tel. (684) 699-9810 Fax: (684) 699-1898
imeli: cccas@efkasonline.org
upega-tafailagi: <https://efkasonline.org>

E. Mo Usufono i Amerika Samoa:

1. O usufono uma i Amerika Samoa o le a potopoto i le 'Ua Taunuu' i Kanana Fou mo le fonotele, e fesooteai ai ma usufono i fafo i luga o le upega tafailagi, e pei ona faia i le fonotele talu ai.
2. E moni ua faaitiitia le pipisi o le faama'i i Amerika Samoa i lenei vaitau. Peita'i, o loo tapena pea le talosaga a le Laulufono e ave i le Malo ma lana Komiti Faafoe o le Koviti, e faataga mai ai le faataunuaina o le fonotele a le Ekalesia ia Iulai e le aunoa. O loo aofia foi i lenei tapenaga le talosagaina o le Matagaluega o le Soifua Maloloina mo ni tagata faigaluega e fesoasoani mai i le taimi o le fonotele, e le gata mo le nofo puipua o usufono mai le faama'i, a ia faamautinoa o loo mulimulita'i le fonotele i aiaiga uma a le Malo.

I. Palota mo Ofisa o le Fonotele:

1. Mo le silafia, o le fonotele o lenei tausaga e saili uma ai tofiga o le Ofisa o le Fonotele e ala i le palota. E aofia ai le tofi o le Sui-Ta'ita'ifono, Failautusi Aoa, ma le Teutupe. O le mafuaaga lea ua talosaga atu ai i Matagaluega i fafo, ina ia potopoto ma fesooteai mai faa-Pulega i luga o le upega tafailagi mo le fonotele, faapea ai ma usufono i Amerika Samoa ia potopoto i le 'Ua Taunuu', e faigofie ai ona faafoe ma faamaopoopo le palota (faalilolilo).
2. O le palota ua fuafua e faatino i le aso 22 o Iulai; o le aso faai'u lea o le fonotele.
3. Mo Pulega i fafo, e taoto atu i sui o le Komiti o Feau Eseese i Matagaluega i fafo, faatasi ai ma Failautusi o Pulega, le faafoeina o le palota i totonu o Pulega ta'itasi. Afai e i ai se Pulega i fafo e le o i ai se sui o le Komiti o Feau Eseese, taoto atu i Failautusi o Pulega ma Faifeau o le Pulega le faafoeina o le palota.
4. O le Komiti o Feau Eseese i Amerika Samoa, o le a feagai ma le faafoeina o le palota mo usufono i le 'Ua Taunuu'.
5. Mo le silafia, e faitau mai lava palota a le Pulega ia mai fafo ma faailoa mai i luma o le fonotele, a o faafofoga ma maimoa faatasi le fonotele i luga o le upega tafailagi. E faapea foi palota a le 'au usufono i le 'Ua Taunuu' i Amerika Samoa.
6. O le Komiti o Feau Eseese i Amerika Samoa, faatasi ai ma le Loia Fautua o le Ekalesia, o le a feagai ma le faamaumauina ma le faaopoopoina o palota, ae faamaonia e le fonotele.

O. O Faamanatu:

1. **O Usufono ma Mau a Matagaluega:** E pei ona aiaia e le Faavae o le Ekalesia, o le aso 15 o Me e fa'agata ai le faaoina mai o suafa o Usufono ma Mau a Matagaluega mo le fonotele. E faamanatu atu, o le fonotele o le tausaga nei e aloa'ia ai suiga fou i le Faavae i usufono faaopoopo. Silasila i le itulau 18 o le Faavae 2020 Iloiloga VII mo ia suiga. (E maua le kopi o le Faavae i le itulau a le Ekalesia i luga o le upega tafailagi, <https://efkasonline.org>, kiliki i 'Faavae & I'ugafono a le Ekalesia', o le password: **fonotele34**)
2. **Failautusi o Pulega i fafo:** E taoto atu i Failautusi o Pulega i fafo le saunia o ato ma faavaa mo le 'au usufono o le Pulega, e pei o le fonotele talu ai. Ia tapena foi ma tulaga uma e faatino ai le palota faalilolilo (pepa/peni). O loo galulue nei le Ofisa Tututonu e lafo atu kopi o le Faavae ma I'ugafono i le meli, ina ia tofusua uma usufono o Pulega i taimi o le fonotele.

Ta'ita'i-Fono: Fa'aeteete Saifoloi FT
Sui Ta'itai-Fono: Dr. Leatulagi Fa'alevao FT
Failautusi Aoao: Nafatali Falealii FS
Teutupe: Poialii Fiasili P. E. Haleck TK



Ekalesia Fa'apopotoga Kerisiano Amerika Samoa
Pusa Meli 1537 – 1 Kanana Fou Street
Pago Pago, Amerika Samoa 96799
Tel. (684) 699-9810 Fax: (684) 699-1898
imeli: cccas@efkasonline.org
upega-tafailagi: <https://efkasonline.org>

3. **Faifeau Samoa:** Afai o i ai nisi o le 'aufaigaluega faauu mai i Kanana Fou e agavaa mo le faauuina o le tofi Faifeau Samoa i leni fonotele, faafesootai mai le Ofisa o le Failautusi Aoao (cccas@efkasonline.org) mo pepa faatumu mo le ta'utinoga.
4. **Ta'utinoga A'oa'o Ulufale i Kanana Fou:** Mo e sa pasia le su'ega ulufale i Kanana Fou ma sauni mo le ta'utinoga, faafesootai mai le Ofisa o le Resitala a le Seminare (cmasaniai@gmail.com/admin@kftseminary.org) mo pepa faatumu mo le ta'utinoga.
5. **Galuega Faamisionare:** O loo i ai avanoa mo galuega faamisionare a le Ekalesia. Mo Faifeau ma A'oa'o faauu mai Kanana Fou e fia galulue faa-misionare, faafesootai mai le Ofisa o le Failautusi Aoao mo pepa talosaga (cccas@efkasonline.org).
6. **Pepa Lucky Number Komiti o Atina'e EFKAS:** Ua amata nei ona faamaopoopo pepa Lucky Number a le Komiti o Atina'e. Silasila i le itulau a le Ekalesia i luga o le upega tafailagi (<https://efkasonline.org>), o loo faailoa atu ai auala e mafai ai e 'aulotu i fafo ona totogi mai a latou pepa. Mo 'aulotu uma i Amerika Samoa, e totogi mai i le Ofisa Tutotonu i le Failautusi Aoao. Mo le silafia, o loo i ai pepa Lucky Number o loo totoe mo nisi e fia taaalo ma sapaapaia leni faamoemoe taua o le Ekalesia Aoao. Ia faafesootai mai le Ofisa Tutotonu mo ni pepa faaopoopo. E faamanatu atu, o le aso 16 o Iulai, 2022, e faataunuuna ai leni faamoemoe.

Pau ia o nai faasilasilaga e fia tuuina atu mo leni taimi, auā le tapenaga a le Ekalesia mo lana fonotele. Sau se taimi ona toe faasilasila atu lea o nisi tualumaga, aemaise le gasologa o fonotele ma fono a Komiti Tumau/Mafutaga Lagolago. Malo le onosa'i. Faafetai le lava papale.

Faamanuia le Atua i le Ekalesia Aoao auā faiva ma tiute e pei ona feagai ai.

Soifua ma ia manuia,


Nafatali Falealii FS
Failautusi Aoao EFKAS
nfalealii@efkasonline.org
+1(684) 699-9810/252-3431

Ta'ita'i-Fono: Fa'aeteete Saifoloi FT
Sui Ta'itai-Fono: Dr. Leatulagi Fa'alevao FT
Failautusi Aoao: Nafatali Falealii FS
Teutupe: Poialii Fiasili P. E. Haleck TK



Ekalesia Fa'apopotoga Kerisiano Amerika Samoa
Pusa Meli 1537 – 1 Kanana Fou Street
Pago Pago, Amerika Samoa 96799
Tel. (684) 699-9810 Fax: (684) 699-1898
imeli: cccas@efkasonline.org
upega-tafailagi: <https://efkasonline.org>

Ofisa a le Failautusi Aoao, EFKAS

Aperila 8, 2022

Nofo i Matagaluega EFKAS
Mamalu i Komiti Tumau
Mamalu i Mafutaga Lagolago
Ekalesia Aoao EFKAS

MATAUPU: Fono Tele XXXIV – Iulai 10-22, 2022; faia i luga o le Upega Tafailagi

Susuga e,

I le suafa manumalo a lo tatou Alii o Iesu Keriso, e ofo alofa atu ai ma fa'atalofa atu ai i le mamalu o le Ekalesia Aoao EFKAS; mai lava i ona tumutumu mauga, seia o'o i mauga iti! Malo le soifua maua, malo le lagi e mamā i le alofa o le Atua. I leni foi vaitau o le Leni a'o tatou faamanatuina le aga atu o le Alii i le satauro ma lona toetu manumalo mai le oti ma le tuugamau, e molimoli atu ai alofaaga a le Susuga i le Ta'ita'ifono ma le Laulauafono o le Fono Tele, i le paia ma le mamalu o le Ekalesia Aoao. Malo le galulue! Fa'afetai le ofoina atu mo le Atua ma Lana galuega.

Ua faia leni tusi, i le ava tele ma le fa'aaloalo, e fa'asilasila atu ai: **o le a fa'ataunuina le Fono Tele XXXIV a le EFKAS ia Iulai 10-22, 2022.** Talu ai o loo tulaga faaletonu pea femalagaaiga i Amerika Samoa ona o le koviti-19, ua iai le manatu, o le a faia leni fonotele i luga o le upega tafailagi, e pei ona faia i le tausaga ua mavae. O nisi ia o fa'atonuga e fia tuuina atu mo le fa'ataunuina o lea fa'amoemoe:

A. Usufono Fono Tele XXXIV:

1. E pei o le fonotele talu ai, e fautuaina le potopoto faa-Pulega o usufono e fesootai mai ai i le fonotele i luga o le upega tafailagi, aemaise mo Pulega i Amerika, Niu Sila ma Ausetalia.
2. Mo Pulega i Amerika Samoa, afai e oo atu ia Iulai e lei fa'aitiitia le pepesi o le faama'i, o le tulaga foi lea e tatau ona outou tapena mai ai – o le fesootai mai faa-Pulega i luga o le upega tafailagi mo le fonotele. E lelei le tapenapena mo lea faatinoga, mea sili o maomao pea aso.

E. Komiti Tumau/Mafutaga Lagolago:

1. O fonotaga a Komiti Tumau o le a faia uma i luga o le upega tafailagi, e pei o le fonotele talu ai. Sau se taimi ona toe faailoa atu lea o aso o fonotaga.
2. Mo fonotaga ma sauniga lotu a Mafutaga Lagolago, sei oo mai se faaaliga mai Laulau a Mafutaga, aemaise le Komiti a Tamā o le Ekalesia e tofia ta'ita'i lotu mo sauniga lotu o le fonotele, ona faailoa atu lea. Masalo o le a iai foi ni suiga o sauniga lotu ma fonotaga a Mafutaga Lagolago i leni fonotele, ne'i malosia pea le pipisi o le faama'i i Amerika Samoa ia Iulai, ma le mafai ai ona faaogaina le malumalu 'Ua Taunuu'. Sau se taimi ona toe faailoa atu lea.

Ta'ita'i-Fono: Fa'aeteete Saifoloi FT
Sui Ta'itai-Fono: Dr. Leatulagi Fa'alevao FT
Failautusi Aoao: Nafatali Falealii FS
Teutupe: Poialii Fiasili P. E. Haleck TK



Ekalesia Fa'apopotoga Kerisiano Amerika Samoa
Pusa Meli 1537 – 1 Kanana Fou Street
Pago Pago, Amerika Samoa 96799
Tel. (684) 699-9810 Fax: (684) 699-1898
imeli: cccas@efkasonline.org
upega-tafailagi: <https://efkasonline.org>

I. Mo Matagaluega:

1. E pei ona aiaia e le faavae o le Ekalesia, o le aso 15 o Me e fa'agata ai le faaooina mai o suafa o Usufono ma Mau a Matagaluega i le Ofisa Tutotonu e sauni ai mo le fonotele. E fia vave maua mai pe a mae'a le fonotele a Matagaluega e tuu faatasi ai mo faila o le fonotele.
2. E talo atu i Failautusi o Pulega i fafo, ia saunia ato ma faavaa mo le 'au usufono, e pei o le fonotele talu ai. O le a taumafai e vave imeli atu faila mo faavaa, ma imeli atu isi ripoti i le taimi e avanoa mai ai.
3. O le Faavae, o le I'ugafono Fonotele XXXIII 2021, ma le I'ugafono Tumau a le 'Au Toeaina, o le a meli atu i Failautusi o Pulega i fafo mo le tuuina i totonu o ato a le 'au usufono mo le fonotele. Mo le taimi nei, ua iai kopi i luga o le itulau a le ekalesia i le upega tafailagi, mo le mamalu o le Ekalesia Aoao (<https://efkasonline.org>)

O nisi ia o faatonuga mo le fonotele e fia tuuina atu mo le taimi nei. Ae sau se taimi, ona toe faasilasila atu lea o nisi taualumaga. E mana'omia lava lo tatou galulue fa'atasi, aemaise le onosa'i ma le lototele, e fa'ataunuina ai le fa'amoemoe o le fonotele i lenei tausaga.

Ia faamanuia tele le Ekalesia Aoao i faiva ma tiute e pei ona feagai ai. Ia manuia le aga'i atu i fonotaga a Matagaluega. Ia manuia foi lenei vaitau o le Leni, aemaise le faamanatuina o le aga atu o Keriso i le satauro, ma lona toetu manumalo. Ia manutua mai foi si o tatou atunuu o Samoa, sisifo ma sasa'e nei, i le aafia ai i le koviti i lenei vaitau.

Soifua ma ia manuia,


Nafatali Falealii FS
Failautusi Aoao EFKAS
nfalealii@efkasonline.org
+1(684) 699-9810/252-3431